



اوتوريتي كبحسائن كسلامتن
كصيتن دان عالم سكيتر
Safety, Health and Environment
National Authority

**OPENING REMARKS BY
TERRANCE DOUGLAS JAYASURIYA
DIRECTOR OF ENFORCEMENT DIVISION, SHENA
SAFETY, HEALTH AND ENVIRONMENT NATIONAL AUTHORITY (SHENA)**

**BELAIT DISTRICT ROADSHOW
SAFETY MONTH 2023 IN CONJUNCTION WITH WORLD DAY FOR
SAFETY AND HEALTH AT WORK
6 JUNE 2023
PUSAT INSANI**

Yang Mulia, **Haji Amirol Hafidzin bin Haji Muhammad**, Pemangku Pegawai Daerah Belait dan Pemangku Pengerusi Lembaga Kuala Belait dan Seria;

Yang Mulia, **Mohammad Yassin bin Haji Ahmed**, Penolong Pegawai Daerah Belait,

Yang Mulia ketua-ketua dan wakil-wakil dari pihak Agensi Kerajaan dan Industri;

Hadirin dan Hadirat yang saya hormati sekalian,

Salam Sejahtera,

Saya bagi pihak Pengurusan Kanan serta pegawai-pegawai dan kakitangan SHENA, mengalu-alukan kehadiran abiskita semua ke 'Majlis Pembukaan Jerayawaya Bulan Keselamatan SHENA' di Daerah Belait sempena Hari Sedunia untuk Keselamatan dan Kesihatan di Tempat Kerja 2023'.



اوتوريٲتي كبغساءن كسلامتن
كصيٲتن دان عالم سكيٲر
Safety, Health and Environment
National Authority

Negara Brunei Darussalam sebagai ahli negara *International Labor Organisation* (ILO) tidak terkecuali dari negara-negara yang menyambut Hari Sedunia Untuk Keselamatan dan Kesihatan di Tempat Kerja yang diraikan pada setiap tahun pada 28 April.

Pada tahun ini, tajuk tema yang didokong ialah “Persekitaran Kerja yang Selamat dan Sihat adalah Prinsip dan Hak Asas di Tempat Kerja”.

Tema ini mengorakan langkah-langkah menuju pencapaian penting dalam keselamatan dan kesihatan di tempat kerja kerana semua ahli *International Labour Organization* (ILO) telah bersetuju bahawa “Persekitaran Kerja yang Selamat dan Sihat” adalah hak muktamad bagi setiap pekerja tidak kira keadaan, sektor pekerjaan atau pangkat seseorang dalam sebuah organisasi.

Para hadirin dan hadirat sekalian,

Visi Autoriti Kebangsaan Keselamatan, Kesihatan dan Alam Sekitar (SHENA) ialah menjadikan Negara Brunei Darussalam sebagai tempat yang selamat untuk bekerja dan didiami.

Dalam menerajui visi ini, SHENA memainkan peranan besar dalam mengekal teguh, rangka kerja, mengawal selia amalan-amalan HSE diperingkat negara dan memastikan pihak-pihak berkewajipan mematuhi undang–undang yang berkuatkuasa dibawah pelaksanaan SHENA. Usaha-usaha ini bertujuan untuk memastikan budaya yang diamalkan ditempat kerja mampu mengurangkan risiko kepada orang ramai, asset dan persekitaran ketahap serendah mungkin dengan munasabah.



اتوٲوريٲتي كبغساءن كسلامٲن
كصيٲٲن دان عالم سكيٲر
Safety, Health and Environment
National Authority

Adalah wajar bagi SHENA, pihak industri, wakil Kerajaan dan pihak berkepentingan memanfaatkan Hari Keselamatan dan Kesihatan Sedunia di Tempat Kerja untuk meneruskan komitmen kolektif kita semua dalam memantau kesejahteraan pekerja.

Selaras dengan tema tahun ini dan komitmen SHENA, beberapa aktiviti telah dirancang sepanjang bulan Mei dan Jun untuk meningkatkan kesedaran mengenai pentingnya peranan-peranan masing-masing dalam memastikan usaha-usaha yang menjurus kepada penyediaan tempat kerja yang selamat dan sihat dan penjagaan kesejahteraan pekerja adalah wajib bagi setiap majikan agar kemalangan yang serius dan kematian mampu dielakkan.

Hadirin dan hadirat yang saya hormati sekalian,

Di antara aktiviti -aktiviti utama bulan keselamatan SHENA pada tahun ini ialah jerayawara-jerayawara yang telah dijadualkan untuk diadakan di empat-empat buah daerah.

Pada hari ini, para tetamu dan hadirin-hadirat sekalian akan dapat menyaksikan pameran-pameran daripada rakan-rakan kongsi SHENA termasuk pihak-pihak yang berkepentingan.

Selain itu, perbincangan panel dengan wakil industri, pembentangan oleh pegawai SHENA dan aktiviti-aktiviti untuk pelajar dan penuntut sekolah juga diadakan selepas upacara ini.

Orang ramai, termasuk pengawal selia dan pekerja akan berpeluang untuk bertukar pandangan mengenai amalan terbaik dalam menangani jurang-jurang yang ujud dalam amalan-amalan HSE di tempat kerja masing-masing.



اوتوريٽي كېڤسائن كسلامتن
كصيتن دان عالم سكيتر
Safety, Health and Environment
National Authority

Sebelum saya mengakhiri ucapan saya, saya ingin merakamkan setinggi-tinggi penghargaan kepada Yang Mulia,

1. **Haji Amirol Hafidzin bin Haji Muhammad**, Pemangku Pegawai Daerah Belait dan Pemangku Pengerusi Lembaga Kuala Belait dan Seria selaku Tetamu Kehormat Majlis;
2. **Haji Mohammad Yassin bin Haji Ahmed**, Penolong Pegawai Daerah Belait, selaku tetamu khas SHENA atas kesudian mereka sama-sama hadir pada pagi ini.

Saya juga ingin menyampaikan ucapan penghargaan kepada Jabatan Daerah Belait dan Jabatan-jabatan kerajaan yang berkenaan yang telah memberikan sokongan padu bagi menjayakan jerayawara ini.

Saya berdoa agar SHENA akan terus mendapat sokongan padu daripada semua pihak ke arah membina tempat kerja yang selamat dan sihat untuk semua.

Sekian Terima Kasih.